

- *1. وزیر اعظم نریندر مودی نانہہ اج سائپرس غا اک اعلیٰ اعزاز گرینڈ کراس آف دی آرڈر آف میکاریوس 3 نال نوازیو گیو ہے۔
- *2. لیفٹنٹ گو رنر منوج سنہا نے اج شیر کشمیر پولیس اکیڈمی اُدھم پور مانہہ ڈی وائی ایس پیزتے پی ایس آنیز غی قسم پریڈ غے دوران کہیو ہے کہ جموں کشمیر غی دھرتی تیں دہشت گردی نانہہ ختم کرنو مہاری پہلی ترجیح ہے۔
- *3. وزیر صحت سکینہ اتو نے کہیو ہے کہ امرناتھیا تریاں واسطے ضروری طبی انتظام مکمل کر لیا گیا ایں۔
- *4. تے قومی سطح ور 16 ویں مردم شماری غو آغاز 2 مرحلاں مانہہ 1 اکتوبر 2026 تیں کیو جا رہیو ہے۔

PM Honour

وزیر اعظم نریندر مودی نانہہ سائپرس گا اک اعلیٰ اعزاز گرینڈ کراس آف دی آرڈر آف میکاریو س 3 توں نوازیو گیو ہے۔ یوہ اعزاز صدر نیکوس کرسٹو ڈو لائڈز نے لیکوسیا غا صدارتی محل مانہہ اک خصوصی تقریب غے دوران پیش کیو۔ واضع رہ جے سائپرس غا پہلا صدر آرچ بشپ ماکاریوس 3 غا ناں سنگ منصوب یوہ اعزاز مُلک غا سربراہاں تے ممتاز عالمی رہنماواں نانہہ اُن غی غیر معمولی شراکت داری خاطر پیش کیو جائے۔ اس موقع ور وزیر اعظم نریندر مودی نے کہیو جے یوہ اعزاز نہ صرف میرو ہے بلکہ میرا مُلک غا اُن تمام شہریاں واسطے ہے۔ واضع رہ جے یوہ تاریخی اعزاز وزیر اعظم نریندر مودی واسطے اک اہم اعزاز ہے۔ یاد رہ جے گذری ان دو دہائیاں مانہہ کسے بھارتی وزیر اعظم غو سائپرس غو یوہ پہلو دورو ہے۔ اس موقع ور بولتاں واں وزیر اعظم نریندر مودی نے اس طرح کہیو۔۔ ہائٹ۔۔

LG Passing out

لیفٹنٹ گو رنر منوج سنہا نے کہیو ہے کہ جموں کشمیر غی دھرتی تیں دہشت گردی نانہہ مکمل ختم کرنو مہاری ترجیحات مانہہ شامل ہے اور جموں کشمیر پولیس غا جانباز جواناں نانہہ اپنی ذہانت غی طاقت نانہہ سمجھ غے جدید تکنیکاں غا استعمال تے ایجنسیاں غا آپسی تال میل نال دہشت گردی غے خلاف موثر حکمت عملی اپناتی چاہیے۔ لیفٹنٹ گو رنر منوج سنہا نے یہ گل شیر کشمیر پولیس اکیڈمی مانہہ ڈی وائی ایس پی 17 بیچ تے سب انسپکٹر 26 بیچ غی قسم پریڈ غے دوران کہی۔ اس موقع ور مزید بولتاں واں لیفٹنٹ گو رنر منوج سنہا نے اس طرح کہیو۔۔ ہائٹ۔۔۔

Health Facilities- SANJY

وزیر صحت سکینہ ایتو نے کہیو ہے جے 3 جولانی تیں شروع ہون آلی سالانہ امرناتھ یا ترا واسطے تمام تر طبی انتظامات مکمل کر لیا گیا ہیں۔ اس سلسلہ مانہ موصوفہ نے سونمرگ غو دورو لاغے ات کیا گیا طبی انتظامات غو جائزولیو۔ اس دوران وزیر صحت غے ہمراہ ایم ایل اے کنگن میاں مہر علی تے کئی دیگر حکام وی موجود رہیا۔ ذرائع ابلاغ نال گل بات کرتاں واں موصوفہ نے کہیو کہ سرکار نے یا تریاں واسطے بہترین طبی انتظامات کیا ہیں تانجے یا ترا غے دوران کسے قسم غی طبی مشکل پیش نہ آوے۔ اس موقعہ ور بولتاں واں وزیر صحت سکینہ ایتو نے اس طرح کہیو۔۔۔ بانٹ۔۔

DC Jmu SANJY

ڈپٹی کمشنر جموں سچن کمار ویشیا نے کہیو ہے کہ شری امرناتھ جی یا ترا 2025 واسطے بہترین انتظامات تے تیاری کی گئی ہیں اور یا تریاں واسطے کیا گیا حفاظتی انتظامات ور خصوصی توجہ دتی گئی ہے۔ موصوفہ نے کہیو کہ بھگوتی نگر بنیادی کیمپ مانہ وی یا تریاں واسطے تمام تر تیاری مکمل رکھی گئی ہیں۔ اور اس ضمن مانہ مزید کم کاج جاری ہے۔ اس تیں علاوہ جموں ریلوے اسٹیشن ور قائم یا ترا مرکز ور وی تمام ضروری انتظامات کر لیا گیا ہیں اور اس سال یا تریاں نانہ گذشتہ سال غی نسبت زیادہ سہولیات دستیاب کران ور توجہ دتی جا رہی ہے۔ اس سلسلہ مانہ بولتاں واں ڈی سی موصوفہ نے اس طرح کہیو۔۔ بانٹ۔۔

Prog Announcement

آکاشوانی جموں غا علاقائی خبراں آلا شعبہ غی طرفوں عالمی یوم یوگ غا سلسلہ مانہ 20 منٹ غو اک خصوصی پروگرام نشر کیو جا ئے گو۔ یوہ پروگرام 18 جون 2025 بوقت سویر 7 بج غے 10 منٹ ور نشر وے گو۔ اس پروگرام مانہ مہاری مہمان ویں غی اک مشہور یوگ اچاریہ ڈاکٹر سجاتا ستھو۔ جھپڑی مہاری زندگی مانہ یوگ غی اہمیت بارے اپنا خیالات سانجھا کریں گی۔ اس مباحثہ غی میزبانی کریں غی مہاری اینکر شروتی کھجوریہ تے کُنال شریواتسو کریں گا۔ اسے طرح غی جانکاری حاصل کرن واسطے میڈیم ویو 990 کلو ہرٹز تے ایف ایم 100 عشاریہ 3 ور آکاشوانی جموں سنتا رہیو۔

مزید خبراں نال محمد اشفاق عظیم۔ ور اُس تیں پہلاں یوہ پیغام۔ (یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن آنیر ڈاٹ گوو ڈاٹ ان ور وی دستیاب ہیں، اس) تیں یہ خبر مہاری موبائل ایپ تے ڈی ٹی ایچ ور وی دستیاب ہیں

Census

حکومت نے اج مردم شماری کران خاطر نوٹیفکیشن جاری کر دتی ہے۔ وزارت داخلہ غی طرفوں اک جاری کردہ نوٹیفکیشن مانہ دسیو گیو ہے کہ مردم شماری کران خاطر حوالہ غا طور ور

مقرر کردہ تاریخ اک مارچ 2027 وے گی۔ یاد رہے جسے اس مقرر کردہ تاریخ 1 مارچ 2027 مانہ مرکز غے زیر انتظام علاقہ جسرای یوٹی لداخ تے جموں کشمیر اور ریاست وچوں اُترا کھنڈ تے ہماچل پردیش غا برف سنگ جڑیا کُجھ علاقہ شمار نہیں کیا جائیں گا۔ ان علاقوں واسطے مقرر کردہ تاریخ 1 اکتوبر 2026 رہے گی۔ دسیو جا رہیو ہے جسے یاہ مردم شماربی 2 مرحلہ مانہ کی جائے گی تے اس مانہ ذات پات غی گنتی وی شامل وے گی۔

Dharti Abha Doda

ضلع انتظامیہ ڈوڈہ نے اچ ٹاؤن ہال ڈوڈہ مانہ دھرتی آبھا جن بھاگیداری ابھیان غے تحت اک خصوصی بیداری اور فائدہ مندی کیمپ غو انعقاد کیو۔ یاد رہے جسے اس تقریب غی صدارت ضلع ترقیاتی کمشنر ڈوڈہ ہر ویندر سنگھ کر رہیا تھا۔ تے انہاں نے اس موقعہ ور برساً منڈا نانہ خراج عقیدت پیش کیو تے قبائلی علاقوں مانہ جامع ترقی غا حصول خاطر تے تعلیم سمیت بہتری بنیادی ڈھانچہ غی ضرورت ور زور دتو۔ ڈی سی موصوف نے دسیو جسے بکھ بکھ سکیمیں غے تحت توجہ مرکوز ترقی خاطر 15 قبائلی علاقوں غی نشاندہی کی گئی ہے۔

Dharti Abha Ramban

ضلع رام بن غی بٹوت تحصیل غی پنچائت چکوا مانہ جاری 15 روزہ دھرتی آبھا جن بھاگیداری ابھیان غے تحت اک بیداری کیمپ غو انعقاد کیو گیو۔ اس پروگرام غی صدارت چیف پلاننگ افسر رام بن ڈاکٹر شکیب احمد نے کی۔ اس موقعہ ور قبائلی لوکاں نانہ بکھ بکھ اسکیمیں بارے آگاہ کیو، جس مانہ متی تعداد گدی قبیلہ غی شامل تھی۔

Badminton Hall

اُپریشن سدبھوانہ غے تحت بھارتیہ فوج نے شری کرشن چندر ڈگری کالج پونچھ پونچھ مانہ بیڈ منٹن ہال غی مرمت غو کم کیو اور اک پروگرام غے دوران بھارتیہ فوج نے یوہ ہال کالج غی سپرد کیو۔ اس تقریب غے دوران بریگیڈئر مَدت مہاجن، ڈپٹی کمشنر وکاس کُنڈل تے پولیس غا ایڈیشنل سپر ٹینڈینٹ موہن شرما وی موجود تھا۔ اس موقعہ ور چڑی چھکا غو اک دوستانہ مقابلو وی منعقد کرایو گیو تانجے عوام تے فوج بشکار آپسی تعاون نانہ مزید مضبوط کیو جا سکے۔ اس موقعہ ور بولتیاں واں 93 انفنٹری بریگیڈ غا بریگیڈئر مَدت مہاجن نے اس طرح کہیو۔۔ بانٹ۔۔
